

do dicta, habet ab oriente Maluam fluuium, a Septentrione mari Itali-
 co & Gaditano freto alluitur: ab occidente, Atlantico oceano claudi-
 tur, ibi Abilis columna & Heptadelphi mōtes. Cæsariensis mauritania
 habet ab occasu Tingitanam, ab oriente Numidiam, a septentrione pe-
 lagus, ultra ad Carthaginensem regionem, ab Ampsaga, Numidia est.
 Massinissæ clara nomine, de quo Ouid. lib. 6. A Græcis aut appellata est
 Methagonitis terra, vbi Hippon regia & Aphrodisium ciuitates. Acco-
 læ mappalia, hoc est domus, pabulis permutandis quemadmodū Mis-
 nensium opiliones, plaustris circumferunt. Deinde Africa proprie di-
 cta a cognomine totius regionis. Vbi Zeusis est & oppida, Carthago
 Maxula, Vtica Catonis morte insignis. Mox in ea Bizantium, quam
 Libij phœnices incolunt: Syrtim minorē contingens vbi Hadrumetis
 & Leptis ciuitates. Cynips fluuius & regio Tripolitana vbi Leptis
 media quæ & Neapolis cognominatur, & Syrtis maior. In intimo sinu
 Philenorum aræ. Ultra Cyrenaica prouincia eadem Pentapolitana di-
 cta habet versus meridiem gentes Garamantum & Æthiopum, a Sep-
 tentrione mare Lybicum, finis Cyrenaicus in oriēte est Cathabathmus
 oppidum. Inde ad orientem Marmarica quæ mareotis Lybia appella-
 tur. Huic contermina est Ægyptus regio Nili proxima cui ab orientis
 parte iungitur Iudæa, Arabia petrea, & Erithræum mare, a Septentrio-
 ne Ægyptiacum, ab Austro Æthiopia est, regio pluuiarum omnino ig-
 nara, sed post æstiualem reciprocationem inundatione Nili amnis fœ-
 cundatur. Vrbes eius insignes Alexandria totius Ægypti caput ibi
 Sancta Catharina Costi regis filia martyrisatur, Babylon olim Babulis
 & noua Babylonia, modo Kayrus vel Alchayro, huic contigua Mem-
 phis, Sub Ægypto Æthiopia est. Tum ab oriente Trogloditica regio.
 Deinde vix homines magisq; semiferi, auctore Mela, Ægypanes &
 Blemmies, quorum capita abesse traduntur, Satyri sine tectis passim ac
 sedibus vagi habent potius terras q̄ habitent, Cynocephali, Colopedes
 siue monoculi nigri & horribiles sine capite. Alit & Aphrica Elephan-
 tos, Dracones, Rhinocerontes, Tigrides, Basiliscos & multa genera
 serpentum.

De Asia Caput III.

A Sia tertia pars terræ ab Asia Mançi Lidi filio dicta e tribus parti-
 bus tangitur oceano, a meridie Indico meridionali, a septētrione
 Scithico, ab oriēte Eoo, ab aduersa parte habet Europā et Afri-